



Anthon Frederiksen
Inatsisartunut ilaasortaq
Partii Naleraq

Nuna tamakkerlugu arsaattarfissaq sumut inissinneqassanersoq Naalakkersuisut isummersimanersut il. il. pillugit § 37 naapertorlugu apeqqummut 2016/67-imut akissut

Asasara Anthon Frederiksen

Ilulissani ingerlatarineqarsinnaanersut pillugit apeqquinnut Naalakkersuisut qutsavigaatsit. Knud Kristensen ataatingaanilu atsiortoq apeqqutigisatit imminut Naalakkersuisoqarfimmuut attuumassuteqartut akivaat. Apeqqutit nr. 4-6-imut Knud Kristensenimit akineqarput, sinnerilu ataatingaani atsiortumit akineqarput.

03-03-2016
Suliap nr. 2015-459
All. nr. 2250484

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

1. Nuna tamakkerlugu arsaattarfissarsuup/Nationalstadion sumiinnissaa Naalakkersuisunit siunnersuusiorfigineqareepaa?

Akissut:

Nuna tamakkerlugu arsaattarfissap sumut inissinneqarnissaa pillugu Naalakkersuisut isummernikuunngillat.

2. Arsaattarfissarsuup Ilulissaniissinnaanera Naalakkersuisut qanoq isumaqarfigaat?

Akissut:

Arsaattarfimmik taamaattumik inissiiviusinnaasumik Naalakkersuisut misissueqqullugit Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap Naalakkersuisut kaammattornikuuaat. Tamanna "Nuna tamakkerlugu arsaattarfiup" qulisap sananeqarnissaanut pilersaarusiornissamik Naalakkersuisut peqquneqarnissaat pillugu Inatsisartut aalajangiinissaannik siunnersuutip aappassaaneerpeqarneranut atatillugu pivoq.

Sanaartornissamut pilersaarut maannakut suliarineqarpoq, taamaalillunilu Naalakkersuisunut suli saqqummiunneqarnikuunani. Naalakkersuisut isumaqarput "Nuna tamakkerlugu arsaattarfiq" atuisunit tikikkuminartuussasoq, illoqarfimmilu tikiffiusussami avataanit tikittunut amerlasuunut inissaqartitsinnaasumi inissinneqassasoq, tassunga ilanngullugit timersortartut, isiginnaartut il. il.

3. Ilulissani GU-qalissappat inuiaqatigiinnut, aningaasaqarnikkut sulisoqarnikkullu sunniutigisinnaasai Naalackersuisunit misissorneqarsimappaat?

Akissut:

GU-p Timersornermillu ilinniarsiup pilersinneqarsinnaaneranut periarfissat pillugit Inatsisartunut ilaasortap Anthon Frederiksenip § 37 naapertorlugu peqqutaanut akissummi allaaserineqartut Naalackersuisut misissuikuupput. Ilisimatitsissutigineqassaaq ilinniarnertuunngorniarfiit 2012-imi augustimiit GUX-imik taaguuteqalernikuusut, tassa siusinnerusukkut GU-t, HHX aamma HTX atorunnaarnikuummata.

4. Ilulissani mittarfiup tallineqarnissaa pilersaarutini qanoq inissisimava aamma talliliinerup qaqugu aallartinneqarnissaa naatsorsuutigineqarpa?

Akissut:

2015-imi Ukiaanerani ataatsimiinnermi Inatsisartut oqaluuserisassani immikkoortoq 18 akueraat, tassani ilaatigut Ilulissani nunani tamalaani mittarfimmik sanaartornissamut pilersaarusiornissaq pineqartunut ilaalluni. Immikkoortup akuerineqarnerani aalajangerneqarpoq, Ilulissani, Nuummik Kangerlussuarmilu mittarfinnut tunngatillugu sanaartornissamut pilersaarusiornit misissuinerillu, pingaarnersiuiikkut ingerlanneqassasut.

Aalajangiiffigisassatut siunnersuummi allassimavoq, sanaartornissamut pilersaarusiornit immikkoortuata 2016-imi aallartinneqarnissaa pilersaarutaasoq. Sanaartornermut pilersaarusiornit ingerlanerani inaarutaasumik inissisimaffissaa, misissuinerik annertunerusunik pisariaqartitsineq – ilanngullugit VVM-imut nassuiaat, nuna qeriuannartoq il. il., ilisimaneqalissapput. Mittarfiliorneq 2017-imi aallartinneqarsinnaassasoq naatsorsuutigineqarpoq.

5. Mittarfiliortitsernerit, mittarfinnillu talliliinissat pilersaarusiorneqarnerat sumut killippa?

Akissut:

2015-imi Ukiaanerani ataatsimiinnermi ullormut oqaluuserisassani immikkoortoq 18-imut naapertuuttumik, 2016-imi qaammatit pingasukkaat aappaata ingerlanerani Nuummi, Ilulissani, Qaqortumi Ittoqqortoormiini mittarfinnut sanaartornermut missingersuutitut aamma sanaartornermut pilersaarusiornit tunngatillugu siunnersortinit ikiortissarsiornissaq, Naalackersuisut naatsorsuutigaat. Piffissap taassuma iluani Tasiilami mittarfiliornissamut tunngatillugu Naalackersuisut misissuueqqaarnerit aallartissimasussaavaat.

2016-imi martsimi Nuummi, Ilulissani aamma Qaqortumi mittarfiliassat avatangiisinut tunngatillugu nalunaarutit tunniussisinnaanissaq Naalackersuisut naatsorsuutigaat. Nalunaarutiginninnerit tunngavigalugit, sanaartornerup ingerlanissaata aallartinginnerani avatangiisini misissuinerit suut piumasaqaatigineqassanersut Pinngortitamut, Avatangiisinut Inatsisinillu Atuutsitsinerit Naalackersuisoq aalajangertussaavoq.

6. Mittarfiliortiternissanut aningaasaliissutissat qanoq tulleriiaarneqarpat?

Akissut:

2015-imi Ukiaanerani ataatsimiinnermi immikkoortoq 18-imi allassimasut, Naalackersuisut allapput aningaasartuutit suliassat paasinarsisinneqarnissaannut tunngassuteqartut aningaasanut inatsimmi matussuserneqassasut, tassani 2016-imi 15 mio. kr. aammalu ukiuni missingersuusiorfiusuni pingasuni tullerni tamaginni immikkut 15 mio. kr. sulii allat immikkoortinneqarsimallutik.

2016-imi Nuummi, Ilulissani, Qaqortumi aamma Ittoqqortoormiini mittarfinnut kiisalu tunngatillugu ilaatigut sanaatornermut missingersuutini, sanaatornermut pilersaarusiornernik aamma avatangiisinut tunngatillugu nalunaarutiginninnernik piniarnermut kiisalu Tasiilami mittarfimmut tunngatillugu misissueqqissaarnernut aningaasat atorineqarnissaat salliutinneqassasoq, Naalackersuisut naatsorsuutigaat.

Aningaasat taakkua ataqatigiissaarneqarnerat atugassiissutigineqarnerallu Ineqarnermut, Sanaatornermut Attaveqarnermullu Naalackersuisoqarfiup suliarisussaavaa.

7. Eqikkammik ilinniarnertuunngorniartarnerup aasamiit 2017 Ilisimatusarfimmiit neqeroortugineqartarunnaarnissaa Naalackersuisunit akuerineqarsimavaa?

Akissut:

Ilisimatusarfik pillugu Inatsisartut inatsisaanni nr. 19, 19. november 2007-imeersumi § 7, imm. 2 naapertorlugu, § 7, imm. 1 naapertorlugu Ilisimatusarfik oqaaseqaateqartereerlugu Naalackersuisut malittarisassiaasa iluanni ilinniarnernik aaqjissuussinerit imarisaannik ilinniarneriillu aaqjissuussuuneqarnerannik Ilisimatusarfik aalajangersaasarpoq.

§ 7, imm. 1 naapertorlugu malittarisassaliornernut ilaatigut ilaapput ilinniarnerni ilinniartunngorsinnaanernut malittarisassat. Ilisimatusarfik aamma Ilinniartitaanernut, Kultureqarnermut, Ilisimatusarnermut Ilageeqarnermullu Naalackersuisoqarfik suleqatigiillutik Ilisimatusarfimmi pissutsit assigiinngitsut pillugit nalunaarusiassamik maannakkut suliaqarput, tassunga ilanngullugit ilinniarneriit ilinniarnernilu ilinniartunngorsinnaaneq. Taamaammat ilimagineqarpoq ilinniarnerni ilinniartunngortarnerit pillugu tamanut tunngasunik malittarisassanik siunissami aalajangersaasoqassasoq.

Inussiarnersumik inuulluaqqusilluta



Nivi Olsen